



**I**oannes Nauclerus filius fuit Ioannis Naucleri clarissimi uiri, qui equestri dignitate ornatus apud Ludouicum comitem Wuirtembergensem in Aurach magna laude uixit. Is filium suum Ioannē eruditis præceptoribus erudiendum tradidit. Erat autem is optima indole & fœlicis ingenio præditus. Itaq; breui literarum rudimenta percepit, atq; altioribus studijs in primis Iurisprudētiae operam nauare cœpit. In ijs adeò profecit, ut utriusq; Iuris Doctor crearetur. Cum autē multis uirtutibus esset insignis, atq; iuris studio etiam sacrarum literarum & historiarum cognitionem adiecisset, gymnasiij Tubingensis cancellarius, deinde etiam eius

Ecclesiæ præpositus constitutus fuit. Eas functiones magna gloria administrauit, atq; apud omnes egregiam existimationem nactus fuit, anno 1480. Habuit etiam Ludouicum fratrem: hunc in disciplinis adeò instituit, ut is præpositus Studgardianus & Cancellarius principis factus fuerit.